

PATRE PIZZE E DUNN'ANDÒ  
(Canzone popolare)

Patre Pizze sta a cantà,  
Dunn'Andò lu sta a 'uardà,  
Che 'spettì nghe 'na parole  
La cunsegne de la stole.

Patre Pizze l'avì viste,  
Nghe 'nu core triste triste;  
Astrignette 'n pu' le spalle,  
Se facette virde e jalle.

Quanne fu llà 'n sacrestì,  
Dunn'Andò, che lu 'spettì,  
'ncumincètte lu descòrse  
Nghe 'na vòce còme 'n 'òrse:

..... (\*)  
« Sicchè, dunghe, prete 'ndegne,  
Famme preste la cunsegne  
De la stole, come pure  
J'attribùte de la Cure »

Responnètte Patre Pizze:  
« Se mme vè 'j scherepizze,  
'stu messale, pe la creste,  
Te lu dinghe su la teste ».

Dunn'Andò senza 'spettà  
'ncumincètte a scazzottà:  
E a Pizze, 'n queste case,  
Se stercette 'n pu' lu nase.

Nghe la cotte e piviale,  
Patre Pizze a lu messale  
Dà le mà e, 'n frette 'n frette,  
j'incazzètte la berrette.

A sentì quiste rremore  
Corre il Prite da lu core  
E lu prime dice: « Oh, tò!  
Patre Pizze e Dunn'Andò! ».

La pretàje ch'ève accorse  
Ne 'n petette sta a le mosse:  
Chi pe l'une e chi pe l'àtre:  
'ssemejì 'nu bille quatre.

E dall'une a l'àtra parte  
Nghe le sacre mà, cun arte,  
Se menì senza cuntà  
Sschiaffe e botte da vastà.

Se vedì 'nu vula-vole  
De messale, 'ffizie, stole:

Jètte a sbatte la rubbriche  
Llà de fore, tra l'artiche.

Su le menze, ci a sgrezzette,  
De la Chìscie, 'na berrette;  
Se vedì pùre cristià,  
Che scappì lu sacrestà.

Lu vastò de la crucette  
Cente pizze se facette:  
Lu più grusse, de secure,  
Ne 'n vastì pè 'nu terture.

Arrentrètte jò 'ddapì  
Dunn Levigge e se 'nglambì.  
Jève grosse la cecàte  
Ma sentette la gredate;

'ddemannì pe' ugne passe:  
« Che robb'è, nghe 'stu fracasse? »  
Je fu ditte dai devote:  
« Jè 'na lite de sacerdote ».

Cente vòte se caschette  
Fina a tante che 'rrevètte,  
Se po' dì nghe l'osse rotte,  
A spartì chella liotte.

Ci arlevètte 'nu cazzutte  
Lòche 'n pitte furte furte:  
Quille prete beneditte  
Se ne jette a 'àmme ritte.

S'arrezètte 'uàtte 'uàtte  
Che parì come 'nu 'àtte  
Quanne va a pijà lu sorge  
Acciò quille 'n ze n'accorge.

E vedenne che la cuse  
Ne 'n pijì nesciuna puse  
'rrette a jisse sull'estante  
Ce ne jèmmè tutte quante.

(\*) Evidente lacuna del manoscritto.